



Ассаламу аьлайкум, дустал!

ХХЯХХА БАРГЪ

Лакрал райондалул жамятийсса ва сиясийсса кказит

«ЗАРЯ»

Нюжмар
18 март
2016 ш.

№ 11

gazetazary@mail.ru

Депутатътурал Собраниеул хIукму №13
3 март 2016ш.

РД-лул БакIчинал ихтилат ххалбигъаврия

«Лакрал район» МР-данул бакIчинал ихтилатрах ва хъирив ихтилатру бувминнах вичIидирхъуну «Лакрал район» МР-данул депутатътурал Собраниеул хIукму бунни:

1. Дагъусттан Республикалул БакIчинал Халкъуннал Собраниелий бувсса ихтилат къамул бан цала даврий каялушиву дуллалисса ва биттур бан багълагъисса документну.

2. Райондалул администрациялун хIадур дан Дагъусттан Республикалул БакIчинал Халкъуннал Собраниелий 2016 шинал февральданул 1-ний бувсса ихтилатрал (отчътрал) гъануми масъаларду «Лакрал район» МР-даний шаллу бансса давурттал план, 2016 шинал мартрал 10-нин. Му план диян дан МР-данул сакиншиндарал бутI-райн, шаллу дулланшиврул.

3. Бюджетрайсса организациярдай каялушиву дуллалиминнан, шяраваллал поселениедал бакI

Iчитуран цала-цала коллективирттаву, депутатътурал собраниердай, сходирттай Дагъусттан Республикалул БакIчинал бувсса ихтилат ххалбигъин мартрал 15-нин ва му ххалбигъусса протоколлу биян бан райондалул администрациялийн.

4. Райондалул администрациялун шяраваллил хозяйстволул продукция дучIан даву ххишала даврил буши анавар буккан бан.

5. Бюджетрал организациярдай каялушиву дуллалиминнан, шяравалал администрациярдал бакIчитуран бюджетрал доходирттал бутIа биттур бансса ва бюджетрал арцу мюнпатну ишла дансса ххуллурду ласун.

6. Ва хIукму биттур баврил ялув бацIан тапшур бан райондалул администрациялийн.

Ш.С.Абачарев,

«Лакрал район» МР-данул депутатътурал Собраниеул председатель

Депутатътурал Собраниеул хIукму №14
3 март 2016ш.

«Лакрал район» МР-данул бакIчи Ю.ХI.МахIаммадовлул отчът къамул даврия

«Лакрал район» МР-данул бакIчи Ю.ХI.МахIаммадовлул докладрах ва ихтилатру бувминнах вичIидирхъуну «Лакрал район» МР-данул депутатътурал Собраниеул хIукму бунни:

1. 2015 шинал хIасиллах бурувгун, «Лакрал район» МР-данул бакIчинал дурсса даву бучIиссану ккалли дан.

2. «Лакрал район» МР-данул администрациялул бакIчинал заместительгуран (Къюннуев А.М., Къажлаев А.И., Къадиев М.А. буржлув бан Аьрастанал Федерациялул Президентнал майрай бувсса Указру («О мероприятиях по реализации государственной социальной политики») ва 2016 шинал Дагъусттан Республика лядуккан дансса Приоритетный Проектру райондалул аьршарай шаллу даврил ялув бацIан.

3. Шяраваллил хозяйстволул ва экономикалул отделданун Къадиев М. шяраваллил хозяйстволул предприятиеерду сагъ лаган дансса ва учът ччаннай дацIан дансса ххуллурду ласун, налогру дучIаву ххишала дансса даву чялиш дуккан дан, аьршарал дазурду ккаккан даврил, аьршарал участокру ижаралий ласаврил ихтиярду цIудуккан даврил, муниципалитетру заллусса объектирдал дазурду ришаврил (межевание) даву бакIуйн дуккан дан, ми кадастрданул учътрай дишиншиврул. «О проведении в Лакском районе Года гор» тIисса давуртту багъайсса даражалий шаллу дансса ххуллурду ласун.

4. Образованиелул управлениелул начальникнан (ХIамзаев Я.М.) образованиелул учреждениерттал ттизаманнул технологиярду ишла дуллалаву ххуй даншиврул, ми дазул къатIаллил мазурдил ва информатикалул специалистурал шаллу

бан.

5. Культуралул управлениелул (Къурбанова Л.М.) культуралул учреждениерттал зуалтрал давуртту чялиш дуккан дан, буттахъал хъьичIирасса аьдатру цIудуккан дуллан.

6. ОьрчIащал, жагъилминнащал ва туризмалул даву дачин дайсса отделданул начальникнан (Гадаев М.) 2016 шинал Ккурклив дан миллатирттал культуралул ва туризмалул фестиваль - «Патриот гор», багъайсса даражалий.

7. Финансирттал управлениелул начальникнан (Аь.Амирханова) циняр бюджетрайсса организациярдан чIумуй арцу итадакълан ва ми итадакъайни циняр къараллал - праволул актру дуручлан.

8. МаслихIат бан:

а) хъунма хIакиннан (Дибиров А.Д.) агъалинан буллалисса медициналул кумагру ххуй бан, здавоохраниелул объектру миннучIансса тIалавшинну шаллу дурсса тагъарданин бучIан бан, здравоохраниелул циняв объектирдан лицензиярду ласун.

б) «Управление социальной защиты населения в МР «Лакский район» паччахIлугърал учреждениелий каялушиву дуллалиманан (Майрамов Р.Я.) чIумуй шаллу буллан райондалул агъали социальный чулуха буруччинсса циняв кумагру.

в) «Центр социального обслуживания населения в МР «Лакский район» паччахIлугърал учреждениелий каялушиву дуллалиманан (Щурпаев Ш.ХI.) райондалийсса агъалинан буллалисса циняв социальный кумагру качество дуну ва чIумуй шаллу буллан.

(Ахир 2 лаж.)

15 март – Щалагу дунияллул муштаритурал ихтиярду дуручаврил къини

Гъашину ва байран гъантIий дур «Букъан бан антибиотикру жура дукаймунива» («Исключить антибиотики из меню»), - тIисса цIанилу.

Антибиотикирттайнсса цалий бацIаву лап лахъ гъуну дур щала дуниялий. Щалагу дуниялул цIулушиву дуручаврил идаралул баян буллау бур, агар аьркинсса щартру шаллу къадарча, дучIантIиссар ахир антибиотикирттал ва дарурттал кумаг къабуллантIинсса. Мунин бувну лап чIирисса къашайшиврул, чапалшиврул инсан ивчIавантIиссар!

Антибиотикру хъанай бур бактериярттайн къарщисса дарув, миннул литIун буллау бур, ппив хъун къабитлай бур бактерияртту, ца-ца чумал бацIан буллау бур уран азарданул ххуллу.

ХIакъинусса къини антибиотикру бур буллау: - мяххилия (плесневые грибы), - цивппа бактериярттая, - ттуккулнисирттая, - урттушиная, - балугърая, хIайвантрая.

Ссая бувну бурив минул личIишиву укунсса дур:

табиаьтрал (цила бусса куццуйсса), полусинтетические, синтетические.

Миннуву бур бактериярттайн, урандалул къашавайшивурттайн грибокирттайн къарщисса ва м.ц.

Антибиотикру къакIулсса инсан нажагъ акъар, ми ишла къабувссагу ушиву къакIулли. Амма учин ччай бур, инсаннал цанмавагу къакIулну ишла буллау ур антибиотикру. Масала, антибиотикру бусса дукра канакини. Мукунсса дукия хъанахъиссар ризкилул продукты.

ХIайвандалун къашай хъуну антибиотик буллул бурхъурча, ми чурххава букканнин, миннуясса дукия ишла дан бучIину бакъар, аьркинссаксса чIун къаларгун. Амма хIакъунусса къини ми антибиотикру ишла буллау бур хIайван къашавай бакъа бунува, минул кIушиву лахъ

дан, буч бан. Аьркинсса куццуй ишла къабувсса антибиотик ляхълай бур накIливу, дикIулу, ккунукраву ва м.ц. дукиялуву.

Мунин бувну инсан къашавай хъуну антибиотикру ишла буллан ивчIисса чIумал миннул цукунчIавсса кумаг къабуллан бикIайссар Му иш бачайссар оьрчIал оьрчIайхчин (по наследству).

ХIакъинусса къини яля хъуннасса цалий бацIаву дур: бисептолданыйн, гентамициндалийн, тетрациклиндалийн. Ххуйбакъасса иш бур пеницилиндалушал, ампицилиндалушал, амоксицилиндалушал. Вай антибиотикру къарши буклай бур так ца пневмококкрайн.

Ялагу учин, вай антибиотикру чурххава чIяву хъукун ялун личлай дур аллергия. Яла-яла му хъанай дур пеницилиндалыйн, тилозиндалийн. ЦIанасса чумал ккаккан буллау бур лап лахъ хъуну душиву аллергияртту дунал аьдад, яла- яла оьрчIаву.

Технический регламентрайн бувну накIливу, дикIулу къабучIину бур бикIан левомецитин, тетрациклин, стрептомицин, пенициллин, гризин, бацитрацин ккаккан дурсса лагрулийсса бакъа.

Амма хIакъинусса къини дукия дуллалиминнал ишла буллау бур антибиотикру ккаккан дурсса лагру къадурурчуну, ххал къабуллай.

Вай антибиотикру багъайкун ишла буллалавугу шалу дан буржлувну дур дукия дуллалисса идарартту. Амма цала буржру марцIну биттур буллалиссагу хъинну чансса бур ва заманалий!

З.Макъсудова, Роспотребнадзорданул ТО-лул управлениелул начальник.

«ПаччахИлугьрал власть цIакъ даву, гьарзатрал бияла закондалухъ ва адаврахъ бикIаву, паччахИлугъ ва Аьрасатнал Федерациялул инсантал Дагъусттан Республикалий нигъачIаврия бурувччуну бикIаву, терроризмалуцал, закон дакъашиивруцал, къчагъшиивруцал, коррупциялуцал бакъаву дакъа талатаву, - вайнна Аьрасатнал Президент В.В.Путиннул каялушииврий жунма щаллу буллан багъсса гъанусса масъаларду».

«Барчаллагъ учин ччай бур дагъусттаннал халкъуннахъ, гьарца даражалийсса депутатътурахъ, жамятрал сакиншиннардахъ ва чIявучинсса информациялул чараннахъ (СМИ) авъизсса Дагъусттан марцI бан ва цIубуккан бан цачIу дурсса даврихлу. Жула даврил хъунмур хIасил - кIира шинаял ххишаласса хIаллай Дагъусттан террорданул иширу къахъанай, инсантал бацлацисса, бизнесментуран ва чиновниктуран «флешкарду» дичлай бивкIсса къчагътал бакъа яхъанахъавури».

«КъюлтIсса за бакъар терроризмалул идеология, цивиппа террористал кунма, Дагъусттаннай дуркIишиву цIана Сириянай къарицину талатисса биялатирттая. Му даву исламрал цIанийрив дуллаи бивкIсса ва дуллалисса? Бакъашииву чIалай бур. ЧIунни мусулманнал умматран бувчIин, терроризмгу, экстремизмгу исламрал душмантураха зий душиву...»

Ислам лахъхъин данмигу, лайкъсса щейхталгу, куртIсса кIулишувуртту дусса ва имандалий бацIусса авлимталгу Дагъусттаннай мудар бивкIссар ва буссар биялсса».

Р.АВЪДЪЛЛАТИПОВ,

РДлул Халкъуннал Собраниелий бувсса ихтилатрава

Отчет

Административ комиссиялул къайгъурду

Дагъусттан Республикалул 2015 шинал 15-мур январьданий къамул дурсса 10-мур номерданийсса закондалин чул бившуну къамул бунни административ низамлиян даврил хIакъиравусса Дагъусттаннал цIусса Кодекс.

Му закондалингу, «Лакрал район» МР-данул административ комиссиялул сакин дурсса даврил пландалингу бувну дачин дурну дуссия комиссиялул даву.

2015 шинаву административный комиссиялин дуркIунни административ низамлиян давриясса 10 материал, 2014 шинал дуссия 17, яни чан хъунни 41,2 процентрал.

Мунинсса агъанмур савану жун чIалай бур цIусса Кодексураву букъан бувшиву ичIаллил хIайвант, лухччиний канаки баврил, миннунсса ххуллурду буручаврил, ми ккаккан бувсса кланттурдай ябаврил хIакъиравусса статья букъан баву. Цанчирча жула райондалий яла чIяруми административный низамлиян да-

вуртту хъанай дия ризкъи ччичиний итабакъаврицIун, канаки баврицIун дархIусса.

2015 шинаву ххалдиргъусса 10-рагу материал дия РД-лул КоАПрал 3,2-мур статьялин дагъайсса. Яни дахху-ласу даву курчардай душивруцIун, ккаккан къабувсса кланттурдай дуллалаврицIун дархIусса. Ми циняр материаллу цила чIумал ххалдиргъуну багъайсса ххуллурду лавсъссар. Циняр тахсиркартурай дирхъусса аьчIри ва ми ларсъссар щаллуну.

Административный комиссиялул давурттацIун дархIусса дахханашиивурттая, цIушиннарда чивчуссар «Ххяххабуртъил» ва баян бувссар агъалинацалсса хъунабакъавурттай.

Закондалулу цIумур

(Администрациялий низамлиян даврицIун бавхIусса РД-лул Кодексураву дахханашиивуртту даврия. Къамул дурссар РД-лул Халкъуннал собраниялул 2016 шинал январьданул 28-ний).

Хъуну дур укунсса дахханашиивуртту:

3-мур главалулу ххи бувну бур 3.11-мур статья. Мунил мяъна транспорт миннун хасъсса кланттурдай (парковочные места) багъа булуну дацIан даврицIун дархIусса дур.

Автомобиллал ххуллурдайсса ми бацIан байсса кланттурдах (парковочные места), булайсса багъарал къараллал, ихтиярдал муниципалитетирттал цIакъ дурсса актру къадурчирча, баъа къабулурча административный аьчIа дишин I азара къурушрал.

Вава статьялул 1-мур частьрайн баъайсса низамлиян даву цал ялагу тикрал дарча аьчIа дишин 2 азара къурушрал. Дур ялагу цайми статьярадуву дурсса дахханашиивуртту.

Ва Закон оьрмулув ишла хъанан диркIссар кказитрай рирщуну 10 гъантлува.

«Гъумучиял сельсовет» МО-рал депутатътурал Собраниелул хIукму

«Гъумучиял сельсовет» МО-рал бакIчи увчIаврия

14 март 2016ш. №2

Депутатътурал собраниелул ирглийсса заседаниелий председателъшиву дуллаи ия депутатътураву оьрмулул хъунама - **МахIаммадов Абу-ХIанипа Валижуллагълул арс.**

«Гъумучиял сельсовет» муниципал сакиншиндарал бакIчи хъунсса кандидатътал личIи байсса конкурс даврил низамраясса Положениелин бувну, ми личIи байсса конкурсрал комиссиялува шярваллил поселениелул депутатътурал собраниялин бувкIуна конкурсраву гьуртту хъунсса кIия кандидатнал документу:

1.ХIусниев МахIаммад Камиллул арс.

2.ХIажиева Саида Ильяслул душ.

Конкурсрал комиссиялул маслихIат бувна депутатътуран гьарца кандидатнахлу чIурду булун

личIи -личIину.

ТIивтIуну чIурду булуну, хIасиллу укунсса хъунни:

ХIусниев МахIаммад Камиллул арснахлу -8.

ХIажиева Саида Ильяслул душнихлу -0.

ЧIурду булаврил хIасиллу ххалдиргъуну, депутатътурал собраниелул заседаниелул хIукму бувни:

1.ЧIурду булаврил хIасиллу цIакъ дан ва «Гъумучиял сельсовет» МО-рал бакIчину увчIушиврун калли ан **ХIусниев МахIаммад Камиллул арс.**

2.Ва хIукмулул копия гъан бан «Лакрал район» МР-данул БакIчиначIан ва Лакрал райондалул бувчIавурттал комиссиялийн.

А.В.МахIаммадов, «Гъумучиял сельсовет»

МО-рал депутатътурал Собраниелул депутат, председателъшиву дуллаи ивкIма.

«Лакрал район» МР-данул бакIчи Ю.ХI.МахIаммадовлул отчет къамул даврия

(Дайдихъу I лаж.)

г) «Центр занятости населения района» паччахИлугьрал казённый учреждениелул каялувчинан (Мусалаева Аь.) райондалий давуртту дакъа ливчIсса инсантурацал дайсса циняр давуртту чIумуй ва качество дуну дуллан. Ми давурттал щаллу бансса, миннал цанна дуллансса давуртту щаллу дансса ххуллурду лякъин.

д) ветеринариялул къуллугърай каялушиву дуллалиманан (Абачараев М.А.) лахъайсса азарду ппив хъун къадитан ва ветеринариялул къул-

лугъру щаллу буллалаву ххуй дан.

е) Аьрасатнал МВД-лул «Лакрал район» МО-рал начальникан (Амиров Ю.Р.) даву чялиш дукан дан, терроризмалун ва экстремизмалун ххуллурду къукинсса, диндалул ччаллу хъун къабтансса ва хъуминнун дазу дишинсса, жамятран мючаншиву дуруччинсса ва низам дикIансса давуртту сакин дан.

Ш.С.Абачараев, «Лакрал район» МР-данул депутатътурал Собраниелул председатель.

ХIакин личIи ансса ихтияр

Медициналул кумаг аьркин хъусса чIумал инсантурахъхъун ихтияр дулун дуссар медициналул организация цала личIи дан. Амма - шинай цал (яхъанахъисса клану ягу цува усса клану баххана къабарча). Цала личIи дурсса медициналул организаци-ялий мунахъ ихтияр дуссар мува куцуй шинай цал хIакин - терапевт, участокрал хIакин-терапевт, хIакин педиатр, участокрал хIакин -педиатр. аьмну гьарзатралсса байсса хIакин (врач общей практики (семейный врач)) ягу фельдшер язизуан.

Му язизугъайссар цала ягу бан аьркинсса чIумул тIлав-шинуу хIисавравун ларсун. Цала вакилнахчIин медициналул организациялий каялушиву дуллалиманайн аьрза чивчуну.

Ва ихтияр баргдигъин ихтияр дулуну душиврия чивчун бур «Об основах охраны здоровья граждан в РФ» тIисса федерациялул закондалий (ст.70., ст21., 1-мур бутIа) ва РФ-лул МЗ-лул амрулий (26.04.2012ш., №407н).

Къашайшашалал хIакин язизугъансса ихтияр (хIакин аххана ансса ихтияр) медорганизациялий каялушиву дуллалиманал щаллу дайссар РФ-лул Минздраврал праволул актирдайн бувну. Къашайшашалал язизугъусса хIакин каялушинна дуллалиманал итайссар хIакиннал рязишиннагу хIисавравун ларсун.

Чарабакъа анаварну, лахъи лаган къабувну медициналул - санитариялул кумаг (медициналул зузалайн шаппай оьвкисса чIумалгу) медициналул организация личIи дурманан байссар мунал личIи дурсса медорганизациялул, му кумаг

низациялий (мунил ца бутIлуй) каялушиву дуллалиманнахъ, аьрза чичайссар, цува хъин уллалисса хIакин ахана ува тIисса сававгу клицIларгун.

Му аьрза бувкIун шанма гъантлул мутталий каялушиву дуллалиманал къашайшалан баян байссар чивчуну ягу мукъурттийну (почталийхчIин, телефондалувух, электронный связьрайх) мунал аьркинсса хIакинтурая ва миннаца кумаг бан бюхъайсса чIумуя. мунал баян бувмургу хIисавравун лавсун, инсаннал цана хIакин личIи айссар.

Хасъсса кумаг байни хIакин аххана ан ччай ухъурча, медициналул организацилий бутIлуй каялушиву дуллалиманайн аьрза чичайссар, му аххана ан циван ччиссарив ккаккан бувсса.

Медициналул организаци-ялул бутIлуй каялушиву дуллалиманал аьрза цачIанма бувкIун шанма гъантлул мутталий баян байссар му чивчуманан цачIава зузисса ганан аьркинсса хIакинтурая. Ми хIучардайн бувну инсаннал цана хIакин личIи айссар. мунай га инсан хъин уллансса буржялув бишайссар ганал рязишиннагу хIисавравун ларсун.

М-Р.А.АХIмадов,
РД-лул ТФОМСрал
Лавациял филиалданул директор.

Образование

Ххуйну буккайминнал конкурс

Образованиедул управлиелудунни Шалагу Аьрасатнал жагьилсса буккултрал 5-мур конкурсал («Живая классика») райондалул щачанттугуйсса конкурс. Муниву гьуртту хьунни 5-10 классиртаву дуклакисса оьрчIру.

Ва конкурс дурни 2015 шинал декабрьданул 10-ний РД-лул Минобрнаукилул чивчусса амрулин бувну, дуклаки оьрчIан луттирду ккалансса пропаганда даншиврул, миннан ккалан гьира бутаншиврул, ниттил маз ххира хьун баншиврул, жамьитрттан библиотекардавунасса ххуллу дакIнин багьаншиврул, пагьму бусса оьрчIру ялун личин бувну, миннан кумаг булланшиврул.

Райондалул конкурсраву гьуртту хьунни 15 школалий дурсса конкурсирттай ххув хьуми. Гьуртту кьавхьунни (Ккуркуллал (дир.Магьдиев Д.) ва Хьурхьрал (дир.Камилов К.) школарду.

ОьрчIал пагьмулун кьимат бишлай бия асар буну букка-

рийну, гьалгьа тIайлану баврийну ва цайми ккаккьярттайну. Жюрилул кIицIлавгунни, конкурсраву гьуртту хьусса циняв ххуйну хIадур хьуну бушиву.

Райондалул конкурсрай хьхьичIунсса кIантту бувгьунни:

1 кIантту - Уриннал школалий 8 классраву дуклакисса **Алеся Гьапууровал**;

2 кIантту - Ххиюлусуннал школалий 6 классраву дуклакисса **Жамалуттин ЧутIуевлул**;

Кьубиял школалий 5 классраву дуклакисса **ФатIима Дибировал**; ГьунчIукьатIрал школалий 6 классраву дуклакисса **Сакинат Юсуповал**;

3 кIантту КIундиннал школалий 7 классраву дуклакисса **МахIаммад ХIажиевлул**; Щардал школалий 7 классраву дук-



лакисса **Анисат РахIимовал**; Гьумучиял школалий 6 классраву дуклакисса **ПатIимат Аьлишаевал**.

ХьхьичIунсса кIанттурду бувгьусса циняннал дуллунни образованиелул управлиелул

чулухасса хIурматрал грамотарду. Бахшишру дуллунни мукунна ми оьрчIру хIадур бувсса учительтурангу.

Жюрилул кIицIлавгунни, ва конкурсрай дуклаки оьрчIру шиная шинайн ххуйну хIадур хьанай бушиву.

Цила цIанин лайкьсса душ

Бавсарив зунгу цIа, Мьярипат тIисса, ТIумIан кIунтIа тIисса ахьвазан хьусса, Жалинналул бакьухь кунна нацIусса, Инсаннал дакIниевун нур румIлатIисса,

Мьярипат тIисса цIа дирзун дур цала шамулчинмур душнин Шалиятусса Сулейманов НасухIлул ва мунал кулпат Аьшуал 1996-ку шинал апрельданий. ЧIал кьавхьуну НасухI кулпатрацал ивзун ур Цадах тIисса ЧIарадиял районналул шьравун хьунама агрономну, Аьшурагу -бухгалтерну. Ванал ссугу шиккунма учительнищану зун бувкIун бур, яла - льява уссугу.

На ва школданыйн зун увкIсса чIумал, Мьярипатлул школахь барчаллагь куну, бувххун бия ДГУ-рал химико-фармацевтический факультетрайн. Амма школалул хьхьичIунну лахьхьултрал улттуй суратту, учительтурал ва душниясса цIардал ихтилатту ливчIун бур шикку. Зува бурги тти Мьярипатлул дуккавил заваллах?

Сулаймановхьал кулпатраву оьрчIал ларьссса чIярусса грамотарду, диплому хIурматрай, личIисса кьуршилуву, кулпатрал суратирттацалсса альбомрацал сахла дурну дур. Циняв душварал ва оьрчIал ацI-ацIрахьул грамотарду дур.

Мьярипатлул грамотарду дакьасса бур диплому, хьуслийнуса бахшишру. Гьарца шинал шали душнил олимпиадарттай Бабаюртлив цалчинми кIанттурду бугьайсса бивкIун бур. МахIатталсса иш бакьарив, лакку душнил яру мазрал олимпиадалийгу цалчинмур кIану бугьаву.

Республикалийсса олимпиадарттайгу хьхьичIунсса кIанттурду бувгьусса диплому бур.

Мьярипатлул ЕГЭ-лий биологиялул 87 балл лавсун, ванихь дарс дихьул 66-ва лавсун бивкIун бур. ЦIанагу шикку зий ур МахIаммад тIисса учитель. Ванан сси бивзний «Винма цикIуй лахьхьин, МьярипатлулчIан насу», -тIун ачай. Университетраву Мьярипат дуклай бур марцIсса ххювардай. Ласлай бур лавайсса стипендия, цачIун бувну стипендиярду, бутта увсса кьинилушчал барча ан, бур плазменный телевизор лавсун. Вайми машачи студентьтал кунма гьарца аьхIат кьинирдай шаппайгу кьабучIайссар, бувкIнигу нитти-буттан ссайгьат чан бакьассар.

Мьярипат гьуртту шай университетрал Брейн-ринграл бяс ччалливухгу.

ЦIана чирчуну дур курсовая работа «Пищевые красители» тIисса ва лавсун бур 88 балл. Ва дуллалисса даву дирчIан дурну дайсса мяьрипатрал кьурши бур. Шаппа ниттихь: «Ина му даву цукуннив анаварну дуллаи дура, дацIу на данна тIий, зий булукьайссар, учавугу нахIуну, ххира-ххуй дуллайри учайсса.

Цишава шайсса кумаг буллаи бур цуппа ялапар хьанахьисса шьраваллингу: ларсун цинярдагу артезианнаясса щинну (шьравусса) лабораторный анализу дан диян дай. каникуллайн бувкIукун, хьуна бакьин бучIайссар школалийн, бархатрал чIуний цила учиельтурал дакI ххари дуллаи. Мьярипатлун ххирап ларал аьдабият, аьдатру, дакIних дуккай Абачара ХIусайнаевлул, Абдулмажид Исмяиловлул ва цайминнал назмурду, кIулну бур чIявусса ларал лулякьурду, магьри, ссигьри. Жула учай: «Багьлун лархьхьусса хьус дур», -куну. Мьярипатту бур цила цIанин лайкьсса лакку душ.

ЧIа чинну Мьярипатлун дахшишру дакьасса, кIукIлусса ххуллу, элмулуду тIайлабацIу, элмурдал доктор хьуну Дагьуст-танналгу, ларалгу, цIа хьхьичIуннай даву.

ЧитIал Ися.

ПОСТАНОВЛЕНИЕ Сельского собрания депутатов

№8 от 31. 12.2015 года

Об утверждении бюджета на 2016 г.

1. Утвердить бюджет МО «сельсовет Кубинский» на 2016 год
 - по доходам- 1781.5 т.рублей.
 - по расходам- 1781.5 т. рублей.
2. Установить, что доходы местного бюджета поступающие в 2016 году формируется за счет доходов от уплаты федеральных, региональных и местных налогов и сборов по нормативам установленным законодательными актами РФ РД и настоящим постановлением:
 - земельный налог -100%
 - налог на доходы с физических лиц -2%
 - налог на имущества с физических лиц – 100%
3. Утвердить:
 1. из фонда компенсаций (субвенций) в сумме 1714.5
 2. из фонда компенсаций (ВУС) 67.0 (приложение № 1)
4. Разбивка по доходам и расходам по кварталам прилагается. (приложение № 2)

Председатель Кубинского
Сельского собрания депутатов

З.Б.Исупов.

М.С.Сунгуров.

Секретарь

БЮДЖЕТ МО " СЕЛЬСОВЕТ КУБИНСКИЙ" на 01.01.2016 год.

№ п/п	Доходы	Всего.	2 кв	3 кв	4 кв
	Численность населения	928			
1	Земельный налог	76 000	19 000	19 000	19 000
2	Налог на имущество	15 100	3 775	3 775	3 775
3	Подходный налог	18 300	4 575	4 575	4 575
4	Единый с/х налог				
5	Всего собственные доходы	109 400	27 350	27 350	27 350
6	Дотация	1 605 100	401 275	401 275	401 275
7	Субсидий				
8	ВУС	67 000	16 750	16 750	16 750
9	ЗАГС				
	Всего доходы	1 781 500	445 375	445 375	445 375

Глава адм.

З.Б.Исупов

Бухгалтер

З.С.Магомедова

Учредитель:
Администрация
МО «Лакский
район».
Учредитель:
«Лакрал район»
МОлул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
Къ-И. Амиров

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции:
368360
Республика
Дагестан
Лакский район
с. Кумух.
Телефон: 3-44-56

Газета набрана и
сверстана на компью-
терной базе редакции га-
зеты «Заря» и отпеча-
тана в ГАУРД «Издатель-
ский дом» «Дагестан»
Адрес:
г. Махачкала
Пр.Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Индекс: 51359.
Тираж 827 экз.
Цена: 2 руб.

Газета зарегистриро-
вана Региональным уп-
равлением регистрации и
контроля за соблюдением
законодательства РФ о
СМИ и печати в РД Гос-
комитета РФ по печати.
Регистрационный ПИ
№ 104561.

Позиция редакции
может не совпадать с
точкой зрения авторов,
которые несут ответ-
ственность за достовер-
ность и объективность
представленных для
публикации материалов.

Гармунчи - Зулпукъар

ДакI ний урив Зулпукъар,
Жула цIаних гармунчи,
Мажлис бан бириярчан,
Цамур цичI ав къачайсса?

Ххай бикI айссияв такъва
Гармундалув лярхъусса,
ДиркIун дия макъанну
Гармунчинава найсса.

Мурчив дикI айва гъанай
Гармундалуяр гужну,
ХъачIру дикI айва гъузуй,
Хъаттирдай лехлан хъуну.

Яру бикI айва пиш-тIий,
Макъандалул буцилий
КIисри бикI айва къавтIий
Такъва магъилуй дихълай.

Къашайва цаманаша
Гармун балай тIутIи бан,
Ца Зурпукъаллуйн бакъа,
Бакъая га мютIисса.

Кашиштурал хIукму

Гарив аьзал заманнай
Архсса хIабашистаннай
Арула ххачпараснал
Кашиштал зий бивкIун бур.

Дунияллий шялмахъру
Питнарду байбивхъукун,
Халкъру тIайла бацIаннин,
Пикри бувссар тIар шанан.

Шанаши уртту ляркъун,
Ца нуххувунгу бувххун,
Къавкъсса ххулурал дянив
Гай паракъат хъуссар тIар.

Шантуршра шинавату
Урттул гуж къуртал хъуну,
Кашиштал чантI увкуну,
Бувкссар тIар дуняллийн.

Ляркъуну дур дунял
Щалара зия хъуну,
ХIарамирттал, питнардал
Къачагътурал дурцIуну.

Ххал хъуну бур арамтал
Адавгу, яхIгу бахлай,
Жагъилсса хъами-душру
ХIаярава бувккуну.

ДакI дурккусса кашиштал,
Цамур пайда къавхъуну,
Бюхттул зунттал мицIая
Хъавхссар тIар кутI рагIавун.

Таммалшиву

ТIамакъравату учай,
Дирчумурди дуккайсса,
Къадичирчан бакIлахъру,
Буккайссар гава бюру.

Гъумучиял Къакъур бур
Щалла бюрурал хъуну,
БакIлахъия цивунна
Буслай къадирчүшуву.

Нобеллул премия
Таммалшиврун дулларчан,
КIа къур кIукун къабивтнан
ХъхъичIра-хъхъичI дулунссия.

Инсан таммал хъурчангу,
Аьрчимур таммал къашай,
Цихава бувсса къуллугъ
АцIлийну зана битай.

Миясат Щурпаева Назмурду



Таммал хъуну бур хъузалт
Аьршив дур къадиртуну,
Мусий дуртун шай хъуру
Утти дур къуру хъуну.

Аьршарай зун аьркинмий
Гъижра бувну лавгун бур,

Ариш -варишру дахлай
Шагъурдай шябивкIун бур.

Аьршивгу дур ялугълай,
Залгу ур ссавур дуллай,
Хъилий къяпри бивхъумий
БакIрай бацIанссархха тIий.

Къисмат

Къисмат чIа тIий, умудрай
Жува бунугу занай,
Къисмат цуппа буссар тIар
Яру бавхIуну занай.

Цаннахъхъун хъарас дуллай,
ЗахIматрал лахIан уллай
Гаманан къуса дуллай,
Кайп давраннай шяитлай.

ХIухчу усса ур зунттай
ЯттичIа гузат буллай,
Яттивун барцI къахъаххан
Хъхъурду уттара дуллай.

Яттил заллу усса ур
Къисматрал хъихъи итлай,
Чулу дикIул цIу дихълай,
ЦIудикIул кIункIур бизлай.

Чув лякъин шайссар хIакъму
КъисматрачIа бакъасса,
Буккай арчимайн кунма,
Ччиччининмай багъайсса?

Сапар-баг

Ивзун ур тIар Гъумукун
Виратгиял Сапар-баг,
БучIанхъуви ванашал
Гъумукунгу барачат.

Адаврал мугъру бусса,
ПатихIа къаучайсса,
Аваза бакъа, кIучIну
Лакрал чIарав ацIайсса.

ЧчатI шашай АхIмад тIисса
Ванал гъанчув уссия,
Гъумучиял илданун
Буханка-ччатI шашайсса.

КIа АхIмадлул мулкирай
Хъунни Сапардул мина,
Вагу ца къисматрихха,
Аллагъная гъир хъусса.

Умудрай бур агъалий
Ца хIалу-сант дагъувкун,
Сапар-баг укканссар тIий
Гъумучиял шяравух.

Ххуйсса хIухчий мукъва я
Сапар-баглуй мйава я,
Буруглаги банссар тIий
Гъумучиял махIлардайх.

Бивзний никъа къутIиннав,
Увкуний махъ бацIаннав,
Лакрал магъулу ттарцIну
Сапар - баг чан къааннав!

ЛухIи хъхъирин лавхъхъуну

ЛухIи хъхъирил чIанулу
Буссара тIар мяьданну
Оьрму лавхъуну мукъах
Бювкъуцири жамирду.

Баянбаву
Мюхтажсса инсантуран садакъалун бачIлай
ура нувци (Оьллаарив хъяххан бувсса). Район-
далийсса шяраваллаву бухъурча нувци аьркин-
са инсантал, оьвчара телефондалувух
ва номерданий:
8 963 417 83 37 Самандар.

Муниятур тIар хъхъири
Къудурсса ва оьхIалсса,
Цивура думур кIулу
Кугъланну бишлашисса.

БикIайхха инсанталгу
ЛухIи хъхъирин лавхъхъуну,
Маэшат биривукун
Байгъин-бугъан жапану.

Ттукри

ЧчантIу бувкусса ттукри
ЧчантIуллучIату бат шай,
Дуркумур тIалав дуллан
Ттукрая пайда къашай.

Хазна хъямала бувмий
Дазу къатIуппай лихъай,
Бурхха гъарачиталгу
КIайва ттукраха лахълай.

Буригурдийн кIура бавмий

БивкIссар тIар дуняллий
Инсантурал ца тайпа,
Кув чIумал барцIру хъуну,
Кувний инсантал шайсса.

Цивппа ккашилсса чIумал,
БурцIурдийн кIура бавну,
Зунттавух авлий буклай,
Къирмишан диян дайсса.

Яла цивппа бувччукун,
Инсантурал жинсирай
ЦIунил цала миналийн
Паракъатну бучIайсса.

Дуняллул неьматрал
Буччиххул ху инсантал
Мйажанну бур уттигу
БарцIурдийн кIура бавну.

Цуксса бувччун бунугу,
БютIандарай бивхъуну
Махъунмай инсантурайн
КIура баен къакIулу.

ЦСОН

Хъурхъ - Щаравсса аьрххи

Мартрал 11-ний Хъурхъ-Щардал шяравун лавгунни опека-
луд ва попечительстволуд отделданул хъунмур Къиस्ताман
Къюнуева, балугъравун къабивминналсса байсса специалист
Айманат Нурудуева, ЦСОН-далул бугъараминналсса байсса
отделданул заведующая Гурсалан МахIаммадова, оьрчIал ва
кулпатралсса байсса отделданул заведующая Индира АхIмадо-
ва ва директорнал заместитель ХIусманов ХIусман.

Къ.Къюнуева ва А.Нуру-
дуева ялтту бувккун, ци табар
дурир ккарккунни Хъурхъив-
сса ва Щаравсса шяраваллаву
цайнама багъайсса халкъуннал.
ЦСОН-далул зузала Г.Мах-
Iаммадова цIухху-бусу бун-
ни бугъараминнахъ. Щин дүц-
Iултрайгу, гайннал давриягу ря-
зишиву буслай, барчаллагърай
бия кIирагу шяраваллил жа-
мьят.

ЧIявусса оьрчIру бусса
ва инвалидсса оьрчIру бусса
кулпатирттал ци тагъа дурир
ххал дурунни И.АхIмадова.



Ва бригада Хъурхъ-Щардал
шяраваллил жамьтирттаву цума-
нал ци дард хажалат дурир, вайн-
нал ци тагъар, ци аьркиншиву ду-
рир ххал дуллай ялтту бувккунни,
аьркиннан аьркинсса кумаг бан
бакIрайн лавсунни.

И.АхIмадова,
специалист.